

आकाशवाणी

पैहले खास-खास खबरां:-

1. प्रधानमंत्री नरेन्द्र मोदी होंरें संयुक्त अरब अमीरात दे राष्ट्रपति शेख मोहम्मद बिन जायद अल नाहयान हुंदे कन्नै टेलीफोन पर गल्ल कीती ते पच्छम एशिया दी स्थिति पर चर्चा कीती।
2. ईरान नै राष्ट्रीय सुरक्षा प्रमुख अली लॉरिजानी ते बसिज बल दे प्रमुख रजा सुलेमानी दी इजरायली हमले च मारे जाने दी तस्दीक कीती।
3. चुनां आयोग नै असम- केरल- तमिनाडू ते पच्छम बंगाल दे विधानसभा चुनाएं ते 6 राज्यें च होने आहले उप-चुनाएं आस्तै इक जहार इक सौ 11 केन्द्रीय निगरान नियुक्त कीते न।
4. केरल च पैहले गेड़ लेई मेदवारें दी सूचि जारी होने कन्नै चुनां अभियान तेज होई गेआ ऐ।
5. गुजरात च समान नागरिक संहिता आस्तै कायम उच्च स्तह दी समीति नै गांधी नगर च मुखमंत्री भूपेन्द्र पटेल होंरें गी अपनी खीरी मसौदा रिपोर्ट सौंपी।
6. बैडमिंटन च भारत दी आकर्शी कश्यप नै ऑरलियन्स मास्टर्स आहली प्रतियोगिता दे महिलार्ये दे सिंगलस आहले मेन-ड्रा मुकाबले च अपनी थाहर पक्की करी लैती ऐ।

PM- UAE Prez

प्रधानमंत्री नरेन्द्र मोदी हों कल संयुक्त अरब अमीरात UAE दे राष्ट्रपति शेख मोहम्मद बिन जायद अल नाहयान हुंदे कन्नै टेलीफोन पर गल्लबात कीती। प्रधानमंत्री हों UAE दे राष्ट्रपति हों गी ईद दियां अगेत्रियां मुबारकां दितियां ते पच्छिम एशिया दी मौजूदा स्थिति पर बी चर्चा कीती। सोशल मीडिया दी इक पोस्ट च प्रधानमंत्री हों आखेआ जे उ'नें UAE पर होए दे सारे हमलें दी सख्त निंदेया कीती- जिंदे च केई सारे बे-दोसैं लोकें दी जान गई ते नागरिक ढांचें गी नुकसान पुज्जा। दौनें नेताएं होर्मुज जल डमरु मध्य च सुरक्षित ते बिजन रुकावट दे आवा-जाई यकीनी करने पर बी सहमति जताई। गल्लबात दौरान प्रधानमंत्री हों आखेआ जे क्षेत्र च शांति- सुरक्षा ते स्थिरता दी तौले बहली आस्तै दवै मुल्ख मिलियै कम्म करदे रौहडन।

<><><><><><>

Iran Larijani Killing

ईरान नै राष्ट्रीय सुरक्षा प्रमुख अली लॉरिजानी ते बासिज बल दे प्रमुख गुलाम रजा सुलेमानी दी इजरायली हमले च मौत दी तस्दीक कीती ऐ। लॉरिजानी गी अमरीका ते इजरायल खलाफ जारी लड़ाई च तेहरान दे प्रमुख नेताएं च गिनेआ जंदा हा ते ओह सर्वोच्च नेता अयातुल्लाह अली खामेनेई ते उन्दे पुतर मोजताबा दे करीबी मन्ने जन्दे हे। एह तस्दीक उसले आई ऐ जिसलै इजरायल नै दावा कीता हा जे उ'नें ईरान दे शीर्ष सुरक्षा अधिकारियें- जिंदे च लॉरिजानी बी शामिल ऐ गी हमले च मारी मकाया ऐ। ईरान दी फ़ार्स समाचार

एजेंसी मूजब लॉरिजानी गी अमरीका ते इजरायल दे लड़ाक् ज्हाजें उसलै निशाना बनाया- जिसलै ओह तेहरान दे पूर्व च स्थित परदिस जिले च अपनी धीs दे घर पर हे।

<><><><><><>

Iraq Explosion

इराक दी राजधानी बगदाद च कल अमरीकी दूतावास कश सिलसिलेवार धमाके होए। इनें धमाके मगरा पच्छिम एशिया संघर्ष सीमावर्ती इलाके तगर पुजी गेआ ऐ। रक्षा सूत्रें मूजब लगभग 3 ड्रोनें बगदाद अंतराष्ट्रीय हवाई अड्डे कश स्थित इक अमरीकी राजनयिक परिसर गी निशाना बनाया। इराक दे अधिकारिक मूजब अल-जा-दरिया च इक बैंक कश अगग लगगी गई। फिलहाल इनें हमलें च कुसे दे मारे जाने दी खबर नैई ऐ।

<><><><><><>

Trump NATO

अमरीकी राष्ट्रपति डोनाल्ड ट्रम्प होरें आखेआ जे ज्यादातर नाटो सहयोगी मुल्खें-ईरान खिलाफ अमरीकी सैन्य अभियान च शामिल होने थवां इंकार करी दिता ऐ। उ'नें नाटो गठबंधन दी निंदेआ करदे होई आखेआ जे अमरीका गी विदेशी समर्थन दी लोड़ नैई ऐ। उ'नें आखेआ जे नाटो मुल्खें दी नां-मंजूरी दे बावजूद लगभग हर मुल्ख अमरीका दी कारवाई कन्ने पूरी चाली सहमत ऐ ते ईरान गी कुसै बी परिस्थिती च परमाणु हथियार रक्खने दी इजाजत नैई दिती जाई

सकदी। ट्रम्प होरें आखेआ जे नाटो सदस्ये दी प्रतिक्रिया पर उने'गी हैरानी नेंई होई ऐ।

<><><><><><>

Qatar Embassy –Advisory

दोहा स्थित भारतीय दूतावास नै दस्सेया जे कतर एअरवेज नै कल भारत आस्तै 5 डोआरियां संचालित कीतियां- जिंदे च 16 सौ थवां मते भारतीयें गी आनेया गेआ। दूतावास नै दस्सेया जे एअरलाइन अज्जै सोयां भारत दे 9 शैहरें आस्तै डोआरियें दा विस्तार करोग। दूतावास आस्सेआ जारी परामर्श च आखेआ गेआ ऐ जे कतर दा हवाई अड्डा अजे बी ज्यादातर बंद ऐ- ते फिलहाल छड़ा सीमित डोआरियें गी संचालित करने दी इजाजत ऐ। यात्रियें गी सलाह दिती गेई ऐ जे ओह टिकट छड़ी अधिकारिक माध्यमें राएं एअरलाइन दी वेबसाइट- मोबाइल ऐप्प जां ज्यादातर ट्रैवल एजेंट राएं गै बुक करन। दूतावास नै एह बी दस्सेआ जे सऊदी अरब आस्तै अस्थायी ट्रांजिट वीजा दी सुविधा दिती जा'रदी ऐ- जेदे कन्नै लोक सलवा सीमा दे राए सिड़क रस्ते राएं भारत परतोई सकन।

<><><><><><>

Bharat Tribe Fest.

राश्ट्री राजधानी च अज्जै थमां “Bharat Tribes Fest 2026” शुरु होआ करदा ऐ- जिस दरान जनजाती समुदाय दी सांस्कृतिक विरासत ते उद्यम-कारखानादारी दा प्रदर्शन कीता जाहग। इस उत्सव दा आयोजन भारत दी Tribal Co-operative Marketing Development Federation आसेया सुंदर नर्सरी च च कीता जा'रदा ऐ

ते एहदा उदघाटन जनजातीय मामलें दे केन्द्री मंत्री जुअल ओरम हुंदे आसेया कीता जाहग। भारत Tribal Fest 2026 च 200 कोला मते पंडाल लाए जाडन ते इंदे च 78 वन- धन विकास केन्द्र ते मुख्य भरै थमां 300 शा मते जनजाती कारीगर अपनी कला दा प्रदर्शन करडन।

<><><><><><>

EC Observes

चुनां आयोग नै असम- केरल- पुदुचेरी- तमिलनाडू ते पच्छिम बंगाल च विधानसभा चुनां ते 6 राज्यें च उपचुनाएं आस्तै इक जहार इक सौ 11 केन्द्रीय निगरानें दी तैनाती कीती ऐ। आयोग नै दस्सेया जे इंदे चा 557 सामान्य 188 पुलस ते 366 खर्चे सरबंधी निगरान न। आयोग नै निगरानें गी कल तगर अपने-अपने विधानसभा क्षेत्रें च पुज्जने दा आदेश दिता ऐ।

<><><><><><>

Keralam Campaign

केरलम च 3 मुख्ख राजनीतिक दलें आसेआ अपने मेदवारें दे नाएं आहली पैहली सूची जारी करने दे बाद चुनांs अभियान तेज होई गेआ ऐ। LDF ते NDA ने अपनी पैहली सूचियां जारी करी दिती दियां न। कल संजा कांग्रेस नै 55 मेदवारें दी सूची दा ऐलान कीता। एहदे च 19 मजूदा विधायकें सनें बरोधी धड़े दे नेता V.D. Satheesan हुंदा नांs बी शामिल ऐ- जेहड़े परावूर थमां चुनांs मैदान च उतरे न। CPIM नै अपनी पैहली सूची च 55 विधायकें सनें मुख्खमंत्री पिनाराई विजयन हुंदे नांs दा बी ऐलान कीता ऐ। बी.जे.पी. नै जेहड़े 47 मेदवारें दी सूची

जंदे संगारें जारी कीती- उंदे च प्रदेश प्रधान राजीव चन्द्रशेखरन ते केन्द्री मंत्री जार्ज कुरियन हुंदे नांs बी शामिल न। 23 मार्च गी नामांकन दी अखीरी तरीक कोला पैहले चुनांs ते खर्चे सरबंधी निगरान बी केरलम पुज्जी गे न।

<><><><><><>

Parl Agenda

लोकसभा च अज्ज राई-बाई ते करसान कल्याण मंत्रालय दी माली बरे 2026-27 आस्तै अनुदान मंगें पर चर्चा ते मतदान होग। सदन च गृह मंत्रालय- विदेश मंत्रालय ते विधुत मंत्रालय दी अनुदान मंगें पर बी चर्चा ते मतदान तय ऐ। कल संजा लोकसभा च रेल मंत्रालय दी अनुदान मंगें पर होई दी चर्चा दा परता दिंदे होई रेल मंत्री अश्विनी वैष्णव होरें आखेआ जे मोदी सरकार नै पिच्छले इक दहाके च रेलवे क्षेत्र च बड्डे बदलाव कीते न ते क्षेत्र च सारे पैहलुएं पर कम्म कीता ऐ। उंनै आखेआ जे पिच्छले 10 बरे च प्रधानमंत्री हुंदी अगुआई च रेल दी माली स्थित च सुधार होआ ऐ। इस्सै दौरान राज्यसभा नै विनियोग विधेयक 2026 पारित करी दिता। लोकसभा इसी पैहले गै मंजूर करी चुकी दी ऐ।

<><><><><><>

Maharashtra- Bill

महाराष्ट्र विधान सभा नै महाराष्ट्र निरसन विधेयक 2026 गी मंजूरी देई दिती ऐ- जेदे तैहत 80 पराने ते अप्रचलित कनूनें गी खत्म करी दिता गेआ ऐ। एदे च 1825 दा बंगाल विनियमन ते बॉम्बे आवाकरी अधिनियम बी शामिल ऐ। एहदे इलावा 24 बॉम्बे अधिनियम- 8 मध्य प्रांत ते बरार अधिनियम- 18

हैदराबाद अधिनियम शामिल न। इन्हें सारे गी निरस्त करी दिता गेआ ऐ। एह बिल विधानसभा च मंत्री आशीश हुंदे आस्सेआ पेश कीते गए।

<><><><><><>

Gujrat UCC Committes

गुजरात च समान नागिरक संहिता आस्तै कायम उच्च स्तरीय समीति नै कल गांधीनगर च मुखमंत्री भूपेन्द्र पटेल गी अपनः खीरी मसौदा रिपोर्ट सौंपी। सुप्रीम कोर्ट दी सेवा निवृत न्यायधीश न्यांमूर्ति रंजना प्रकाश देसाई हुंदी अगुआई आहली समीति नै गुजरात दे बक्ख-बक्ख जिलें च व्यापक अध्ययन ते लोकें सोया प्रतिक्रिया किट्ठी करने दे मगरा एह रिपोर्ट तयार कीती ऐ।

<><><><><><>

Badminton

बैडमिंटन च भारत दी आकर्षी कश्यप नै Orleans Masters 2026 आली बैडमिंटन प्रतियोगिता दे महिलायें दे सिंगलस आले मेन-ड्रा मुकाबलें च अपनी थाहर पक्की करी लैती ऐ। उःनें कल खेड्ढे गेदे अपने दौनें गै क्वालीफाईंग मुकाबलें च जित हासल कीती।

<><><><><><>